

INUIT ATAQATIGIIT INATSIARTUNI



23.02.26

UPA2026/175

Matumuuna siunnersuut Inatsisartut Inatsisaanni § 33 i naapertorlugu siunnersuut nassiuppara

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaata allanngortinneqarnissaa siunertaralugu Naalakkersuisut peqquneqarnissaannik Inatsisartut aalajangiiffisassaattut siunnersuut. Inatsimmi piumasaqaataasut appartinnerisigut kommunini inoqarfiit ukiut tamarmik kulturikkut ingerlatsineq sunngiffimmilu sammisassaqaartitsineq pilersaarusiortalissavaat.

(Inatsisartunut Ilaasortaq Mimi Karlsen, Inuit Ataqatigiit)

Tunngavilersuut:

Sunngiffimmi Inatsit naapertorlugu najugaqarfinni assigiinngitsuni makku neqeroorutigineqarsinnaapput.

Sunngiffimmi atuartsineq tallimanngorlugu agguagaavoq¹:

1. Tamanut tunngasunik sunngiffimmi atuartsineq tassaasoq atuartsissutininik nalinginnaasunik, soorlu kalaallisut atuartsinermik ingerlataqartoq, ikinnerpaamik peqataasut 8-ssapput.
2. Mernguernartunik atuartsineq, soorlu erinarsoqatigiit, ikinnerpaamik peqataasut 12-iussapput.
3. Ilinniakkereqatigiinneq (studiekreds), ikinnerpaamik peqataasut 8-ssapput.
4. Oqalugiarnert, ikinnerpaamik peqataasut 14-iussapput.
5. Assessorissanik ilinniartsineq, ikinnerpaamik peqataasut 12-iussapput.

Uggornaraluartumilli illoqarfippassuarni, najukkanilu inukinnerni sunngiffimmi atuartsisoqarneq ajorpoq.

Tamanna innuttaasut, meeqqat, inuusuttut inersimasunullu uggornartuuvoq. Sunngiffimmi atuartsinermi assessornerit aallavigineqartillugit meeqqat inuusuttut inersimasullu sunngiffimminni assassorneq aqqutigalugu ataatsimoorneq aammalu sunngiffimiilikkaqaarneq angusinnaavaat.

¹ https://nalunaarutit.gl/groenlandsk-lovgivning/2016/l-05-2016?sc_lang=kl-GL

Sunngiffimmi suliaqarsinnaaneq ineriartuutaasinnaavoq annertooq. Meerarpassuit sunngiffimmi suffeqaratik aneertartut, imaluunniit kisimiillutik spillerusaartartut iluaqutigissavaat peqateqarlutik pilersitsisinnaanermik ilikkagaqarsinnaanissaq.

Eqqortuusinnaangilaq najugaqarfiit ilaanni sunngiffimmi atuartitsisoqartannginnera. Innuttaasut ineriartorfigisinnaasaat, ataatsimoorfigisinnaasaallu qulakkeerlugit pigineqartariaqarput, neqeroorutaasariaqarput.

Qangaanerusoq sunngiffimmi motorilerineq, sananeq, mersorneq allarpassuillu neqeroorutaasartut iluaqutaasaqaat. Piginnaasatut ineriartortitat angerlarsimaffimmi, ilaqtariinni iluaqutigisinnaanngorlugit qujanaqqat. Isumaqaarpunga sunngiffimmi atuartitsineq annertusaqqinneqaqqittariaqartoq.

Matuminnga siunersuuteqarnikkut inoqarfinni kulturikkut ingerlatsineq sunngiffimmilu sammisasaqartitsineq ajornannginnerusumik aaqqissuunneqarsinnaanerit periarfissaalissaaq.

Pisortanut aningaasatigut allaffissornikkullu kingunerisassai:

Allaffissornikkut ingerlatsinermit AC-mik ilinniarsimasup nalinganik, tassalu ukiumut affaatut sulinermit 250.000 kr.-nik naleqarumaartoq naatsorsuutigineqarpoq.

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngialq